



Synfocity = 861

mail us at : mzsynfo@gmail.com; mizoramsynod@gmail.com - Phone - 2314648

October 6, 2022

☐ **Ram Pum Huap Kohhran Pavalai Intawhkhawm neih a ni**

Sept. 30 - Oct. 2, 2022 chhung khan Ram Pum Huap Kohhran Pavalai Pawl Intawhkhawm vawi-5 na chu Mission Vengthlang Kohhran Biak Inah tuang taka neih a ni a. Intawhkhawm thupui atan '**Pathian thuawih**' (1Sam. 15:22) tih chu hman a ni.

Intawhkhawm Thupui hi Synod Moderator Rev. Dr. Vanlalngbaka Ralte; Senior Executive Secretary, Rev. C. Zorammawia; Revival Director Rev. R.C Lalnghakliana leh Revival Committee member ten an sawi a, inkhawm apiangin Zaipawl an zai bawk.

Rampum Huap Kohhran Pavalai Pawl Intawhkhawm Vawi 5-na Report tlangpui :-

1. Aizawl khawpawp aṅanga (khua/veng) Palai kal zat - 183
2. Aizawl khaw chhung aṅanga kal zat (veng) - 99
3. Mission Vengthlang Kohhran Huam chhung nilo, Veng pawna thleng - 69
4. Riaklut Palai In Report zat - 1046

Kohhran Pavalai Pawl Intawhkhawma palai thleng hmasa ber chu Pu R. Malsawma, Samtlang niin Sept. 29, 2022 (Ningani) zing dar 8-ah (Thlengtu- Pu K. Darchawiliana) a thleng a, Palai Upa ber chu Pu C. Thangruaia, Kum 83, Chhingchhip Mualpui Kohhran a ni.

☐ **Presbytery Inkhawmpui**

Mizoram Synod hnuai Inkhawmpui lian ber dawttu Presbytery Inkhawmpui chu Oct. 6 - 9, 2022 chhung hian Presbytery hrang hrangah neih a ni dawn.

Oct. 6 (Ningani) hian Nomination Committee te, Finance Committee te leh Sub - Pastoral Committee te an ṭhu a, Kohhran Upa thlan tharte Exam buatsaih a ni bawk a, zan lamah vantlang Pathian biak inkhawmah Palai lawmna leh Pastor Bial Report ngaihthlak a ni ang.

Oct. 7 & 8 (Zirtawpni leh Inrinni) hian Rorel Inkhawm neih a ni ang a, zan lamah vantlang Pathian biak Inkhawm neih a ni ang. Oct. 9 (Pathianni) chawhmaah Upa Nemngheh Inkhawm, chawhnuah Lalpa Zanriah Sakramen leh Upa thite sunna inkhawm neih a ni ang a, zanah Presbytery Moderator kalchhuak ten Valedictory Sermon an sawi ang.

Synod Puipaten hetiang hian Presbytery Inkhawmpui an hmanpui ang:

| | |
|---|--------------------------------|
| Rev. Dr. Vanlalngbaka Ralte, Moderator | - Tuipuiral Presbytery |
| Rev. Z.D Lalhmachhuana, Synod Secretary (Sr.) | - Chhingtawp Presbytery |
| Upa B. Lalhmunliana, Synod Secretary (Jr.) | - Tuichangral North Presbytery |
| Rev. C. Zorammawia, Sr. Executive Secretary | - Tuichangral South Presbytery |
| Rev. Dr. K. Lallawmzuala, Executive Secretary | - Khawthlang Presbytery |
| Rev. V.L Luaia Hranleh, Finance Officer | - Tuivawl Presbytery |
| Rev. P.C Pachhunga, Finance Officer | - Chhimphei Presbytery |
| Rev. Lalsangbera, Statistician | - Hmarchhak Presbytery |

☐ **Synod Bookroom Hnahthial Branch thar**

Oct. 1, 2022 (Inrinni) chawhnu dar 1 khan Synod Bookroom Hnahthial Branch chu Rev. V.L. Luaia Hranleh, Executive Secretary i/c PRESCOM, Mizoram Synod chuan Pathian hnenah hlanin a hawng. Hnahthial Branch thar hawn inkhawm hi Hnahthial Presbyterian Kohhran Hall-ah hman niin Upa H. Ronghaka, General Manager, PRESCOM chuan inkhawm a kaihrui a, Pu Lalniliana, Manager, Synod Bookroom hnen aṅangin Report ngaihthlak a ni a. Hemi hnu hian Synod Bookroom Hnahthial Branch thar chu Synod Bookroom Branch puitling 16-na ni turin Rev. V.L. Luaia Hranleh, Executive Secretary, i/c PRESCOM etc, Mizoram Synod chuan a hawng zui ta a ni.

Branch thar hawn hnu hian Hnahthial Pastor Bial Zaipawl zaiin Rev. Lalawmpuia, Chairman Synod Bookroom Hnahthial Branch Committee leh kalkhawmte aṅangin thusawi ngaihthlak zui a ni a, Zoremi Ralte hnen aṅangin Pathian fakna hla vawi hnih ngaihthlak a ni bawk. Rev. K. Lalpiangthara, PRESCOM Board member-in lawmthu sawiin Rev. Lallianzara, Administrative Secy, Chhim Bial chuan malsawmnain a ṭin a ni.

Synod Bookroom Hnahthial Branch thar hawn a nih hnu hian Synod Bookroom dawr leh stockroom atana In lei thar, Hnahthial Bazar ami chu Rev. V.L. Luaia Hranleh, Executive Secretary i/c PRESCOM, Mizoram Synod hian Pathian hnena hlanin a hawng zui nghal a. He building chhawng 3-a sak hi kawngpui an-ah showroom dah a ni a. Showroom hi a dung feet 45 a sei niin a vang lam hi feet 40 a zau a ni. Hei bakah hian stockroom leh thawktu chenna a hnuai lamah dah a ni bawk.

He Synod Bookroom building thar tur hi August 2022 atang khan buatsaih hna thawh tan a ni a. Ngawrh taka thla 2 chhung thawh a nih hnuah hawn theiha peih fel a ni ta a ni. Building thar hawn hnu hian Rev. Lallianzara, Administrative Secretary, Chhimbial chuan lehkhabu leiin ani hi Hnahthial Synod Bookroom Branch thara Lehkhabu lei hmasa ber a ni ta a ni.

□ **Synod Mission Board leh ram pawn chet velna**

◆ **Jharkhand Mission Field**

Oct. 2, 2022 (Pathianni) khan mi 1 Lal Isua zui turin a inpe a, Northern Evangelical Lutheran Church (NELC) atangin puitling 5 kan Kohhranah an inpe bawk.

◆ **Stuti Geet Hlabu tlangzarh a ni**

Oct. 4, 2022 (Thawhlehi) chawhnu dar 1 khan Stuti Geet Hlabu chu Synod Moderator Rev. Dr. Vanlalngbaka Ralte-in Mission Veng Kohhran Hall-ah Pathian hnenah hlanin a tlangzarh.

Stuti Geet Hlabu tlangzarh inkhawm hi Rev. R. Lalhminganga, Synod Mission Board Secretary-in a kaihrui a, Synod Moderator Rev. Dr. Vanlalngbaka Ralte-in Pathian hnenah hlanin a tlangzarh. Rev. Zochhuanmawia, Director, Masihi Sangati Kendra-in Hlabu sawizauna a nei a, Synod Mission Choir leh Shabach te an zai bawk. Upa Lalbiakenga Fanai, Coordinator, Synod Mission Board-in lawmthu sawina hun a hmang.

Stuti Geet Hlabu hman mekah hian hla 200 awmin tunah hian hla 250 dah a ni ta a. Hlabu hmasaa la awm ngai lo Tripuri (Kokborok) leh Kawl hla te dah ve a ni ta a. Hla tawi Chorus Hindi, Nepali, Bengali 10 theuh hla 30 dah tel a ni bawk. Hindi Section bikah Sap hla lehlin ho paih deuh vek a ni a, anmahni hla original dah luh a ni. Hla dah dan tlangpui hetiang a ni :

Hindi : 117 (A hlui 71, A thar 36, Chorus 10)
 Nepali : 50 (A hlui 24, A thar 16, Chorus 10)
 Santal : 23 (A hlui vek, Paih 9)
 Bengali : 20 (A hlui 10, A thar 10)
 Meitei : 20 (A hlui 14, A thar 6)
 Tripuri : 5 (A thar vek)
 Kawl : 5 (A thar vek)

◆ **Delhi Mission Field**

Oct. 2, 2022 (Pathianni) khan mi 4 Lal Isua zui turin an inpe.

◆ **Assam Mission Field**

Oct. 2, 2022 (Pathianni) khan mi 2 Lal Isua zui turin an inpe a, October ni 2 Pathianni vek khan Assam Mission Field-a Satribari Kohhran chu Assam Mission Field-a Kohhran puitling hmasaber ni turin Field Secretary Rev. Billy Lalrinchhana'n Kohhran puitlingah a hlangkai a. Tun dinhmunah Kohhran member 173 an awm mek a ni.

◆ **Arunachal & Assam Mission Field (West)**

Oct. 2, 2022 (Pathianni) khan mi 6 Lal Isua zui turin an inpe a, Christian Revival Church (CRC) Local Pastor te chhungkua (member 4 awmna) kan Kohhranah lawmlut an ni bawk.

◆ **Home Mission North**

Oct. 2, 2022 (Pathianni) khan Nou Adam Branch Church, Silsury-ah mi 2 Lal Isua zui turin an inpe.
 Oct. 2, 2022 (Pathianni) vek khan Thaidawr Pastor Biala Belkhai Branch Church-ah mi 20 Lal Isua zui turin an inpe bawk.

◆ **Masihi Sangati**

Oct. 2, 2022 (Pathianni) khan Ramhlun Kohhran, Aizawlah Nepali Gospel Team te ruaiin Masihi Sangati pual One day Crusade neih a ni a, mi 26 Lal Isua zui turin an inpe.

◆ **Karbi Anglong Mission Field**

Oct. 2, 2022 (Pathianni) khan mi 2 Lal Isua zui turin an inpe.

◆ **Barak Area Mission Field**

Oct. 2, 2022 (Pathianni) khan mi 2 Lal Isua zui turin an inpe.

❑ **Praise On 2022**

Sept. 26 - Oct. 6, 2022 chung khan Praise On 2022 Mal zai intihsiak chu District 6 - Aizawl, Kolasib, Lunglei, Mamit, Serchhip leh Champhai-ah te neih a ni. Elimination Round Result hi Oct. 7, 2022 (Zirtawpni) zan dar 8:30 hian Synfo Studio atangin Live-a puan a ni ang. Second round hi Oct. 12 & 13, 2022 chhun lamah Mission Veng Kohhran Hall-ah neih leh a ni ang a, second round-ah hian Guitar leh Keyboard emaw an duh zawk zawk pakhat an hmang thei dawn a ni. Oct. 13, 2022 zan dar 8-ah Live-a puan a ni ang.

Top 50 hi Oct. 18, 20 leh 21, 2022 ah Republic Veng Kohhranah neih a ni ang a, Top 20 hi Oct. 27 leh 28, 2022 ah Chaltlang Kohhranah neih a ni ang a, Top 10 (Final Round) hi Nov. 8 leh 17, 2022 ah neih a ni ang a, Nov. 18, 2022 zanah Result puan a ni ang a, Top 10 (Final Round) hi Mission Vengthlang Kohhranah neih a ni ang.

Kumin Praise On mal zai intihsiakah hian lawmman atan pakhatna Rs. 1,00,000; Pahnihna Rs. 50,000; Pathumna Rs. 30,000 leh Consolation Prize (Top Ten tling chin) Rs. 7,000 theuh hlan an ni ang.

❑ **Synod Higher Secondary School**

Sept. 29, 2022 (Ningani) zing dar 6 khan Synod Higher Secondary School chuan Diamond Jubilee Run an nei a, hetah hian thawktute bakah zirlai 1200 chuang an tel a; Diamond Jubilee Organising Committee leh School NSS Unit te'n an buaipui a ni.

School Ground-ah Principal, Pi Zirkungi Chhakchhuak kaihhruaiin hun tawite hman a ni a. Pu Lalchhandama Ralte, Hon'ble Education Minister chuan he hun hi hmanpuiin, Jubilee Run-a telte hi a flag off bawka a ni.

Jubilee Run-a telte hian School ground atangin Sikulpuikawn an pan a, Sikulpuikawn atang hian Khatla kawn lamah tlan thlain, Tennis Court atangin Raj Bhavan-ah tlan chho lehin, chuta tang chuan Sikulpuikawn pan lehin, P.C. Girls School ground-ah Vice Principal, Pu PC Lalrinpuia kaihhruaiin a tawpna hun hi hman a ni.

Tawpna hmun siam (finishing line) thlang hmasa zirlai mipa leh hmeichhia, pakhatna atanga pathumnate tan lawmman siam a ni a, anni bakah hian zirlai mipa leh hmeichhe thlang hmasa pasarihte tan Consolation Prize siam a ni bawka.

Diamond Jubilee Run-a tel thawktute leh zirlaite hian Jubilee T.Shirt an ha vek a, Jubilee T.Shirt -te hi heng mite hian an sponsore a ni:-

| | | |
|--|-----|------------|
| 1. Pu Lalrochhuanga, LPS Family | Rs. | 1,00,000/- |
| 2. Printline, Kulikawn | Rs. | 50,000/- |
| 3. Pu V.L. Zaithanzama, MLA | Rs. | 10,000/- |
| 4. Pu L. Thangmawia, MLA | Rs. | 20,000/- |
| 5. L.B. Associates, Bungkawn | Rs. | 50,000/- |
| 6. NECS | Rs. | 5,000/- |
| 7. Pu Lalthanmawia, Ex. Student, Tuikual North | Rs. | 10,000/- |

❑ **Prison Ministry**

Sept. 29 - Oct. 2, 2022 chung khan Serchhip District Jail, Chhiahthlang-ah Crusade neih a ni a, he hunah hian Pu Laltpnpuia, Kraws Fate Team chu Speaker a tan hman a ni.

❑ **Campus Ministry**

Oct. 5, 2022 (Nilaini) khan Lunglei Bazar Kohhran Hall ah '*Tleirawl Tha - Kohhran leh ram tan*' tih thupui hmangin Synod Campus Ministry chuan Symposium a buatsaih a. Lunglei khawpui chhunga Kohhran aiawh mi 61 an kal a ni. Resource Person atan T. Upa K. Lalenzama, Laipuitlang leh Upa Lalnunsiam Khalthang, Chhinga Veng te hman an ni a, Nl. Lalrempuii Hnamte-in zaia rawngbawlna hun a hmang a, Rev. R. Ramnghinglova, Director-in he hun hi a hmanpui bawka.

❑ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

| S.No | Khua | Pek chhan | Chhungkaw zat | Pek zat |
|------|----------------|-----------|------------------|---------------------|
| 1. | Ngur | Damlo | 1 | Rs. 8,000/- |
| 2. | Kawrtethawveng | Damlo | 1 | Rs. 8,000/- |
| | | | BELHKHAWM | Rs. 16,000/- |

- ❑ **Synod Moderator-in Bangalore Mizo Kohhran leh UTC a tlawh**
 Synod Moderator Rev. Dr. Vanlalngbaka Ralte chuan Sept. 17 - 20, 2022 chhung khan Bangalore Mizo Kohhran (Bangalore Mizo Presbyterian Church) leh United Theological College (UTC) a tlawh. Sept. 18, 2022 (Pathianni) zingah Moderator hoin Synod Ram lei tura hual lawk tawh chu tlawh a ni a, a building a lian tham hle a. Bangalore khawpui lailia awm niin commercial area a ni a, daihzai taka hman theih tur a ni. Pathianni chawhnu Kohhran Pathian Biak inkhawmah Moderator-in Pathian thuchah a sawi a. Kohhran Zaipawl an zai bawk. Inkhawm banah Moderator pualin thingpui ruai kilho a ni. Synod Moderator hian Bangalore a tlawha a ngaihpawimawh tak chu UTC nena Mizoram Synod thawhdunna tih chak zel a ni a. Bangalore a thlen hma aṅgingin UTC Principal nen inbiain a thlenna tur te pawh ruahman sak a ni a. Sept. 18, 2022 (Pathianni) zanah UTC Community inkhawm a hmanpui a. Principal Rev. Dr. Chilkuri Vasantha Rao chuan hun ṭha tak siamsakin Moderator hian Mizoram Synod aiawhin UTC chibai bukna thu a sawi a ni.
 Sept. 19, 2022 (Thawṭanni) khan UTC Principal nen hun engngemaw chen inkawmin Synod leh UTC thawhdunna thil pawimawh tak tak te, Doctoral programme chungchang te an sawi a. UTC hian Kohhran Chanchin zirtirtu tur Doctor an duh avangin Synod-ah an dil a. SEC chuan Rev. Lalfakawma Ralte a dah a, UTC hian Quarters ṭha tak pein an lo duhsak hle nghe nghe a ni. Moderator pawhin hemi kawngah hian lawmthu a sawi a. Tin, Bangalore a Presbyterian Kohhran a din aṅga UTC Hall chu inkhawm nana hman a nih avang leh Kohhran thilah UTC chu a ṅangkai ṭhin avangin lawmthu a sawi bawk.
- ❑ **OCTOBER 7, 2022 (Zirtawpni) (FM Zoawi - Aizawl & Lunglei @ 7:30 p.m.):**
 Solo : K. Vanlallawmi - Harhna kan ngai
 Zaipawl : Dawrpui Vengthar Kohhran Zaipawl - Vanram pan hlimte zai ru
 Thusawi : Rev. C. Lalremruata - Chhun anih laiin mi tirtu hna kan thawk tur a ni
 Solo : Isak Malsawmtluanga : Simin i hnen ka rawn pan e
 Zaipawl : Tuivamit Kohhran Zaipawl- Harhna.
- ❑ **Susamachar Prasaran Programme :**
OCTOBER 9, 2022 (Pathianni) 5:00 pm. :
 Group/Choir/Solo : Synod Mission Choir - Teri jay jay kar
 Group/Choir/Solo : Central PYF Choir - Krus Par
 Sermon : Lalhmingthanga
 Group/Choir/Solo : The Leprosy Mission Choir - Hame Sab Kuch Vo De Ta
 Group/Choir/Solo : Champhai Bethel Pastor Bial - Jab Jab Dekho

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs. 10/- a lei theih a ni
 Dil hun chhung : December 13, 2022 (Thawhlelni) tlai dar 3:00 thleng
 Dil thei chin : Class VII passed, kum 16 chin, Kohhran dan chhunga awm
 Interview : December 16, 2022 (Thawṭanni) chawhma dar 10:00
 Class ṭan hun : January 12, 2023 (Ningani)
 Zir hun chhung : January - April, 2023

Hrechiang duh tan Phone No. **0389-2317343/8296035491**-ah zawh theih a ni.

Sd/-
 Rev. Lalrinsanga
 Principal, PBS